

錦繡團箇屎坑酒肉藏箇膿血袋貪財好
色更貪癡學道恭禪都不會
幻身只是呼吸氣氣若不來死立至須臾身
爛不堪聞富貴英雄何處是
世人只會養其身且不能知養其命身是假
物終必壞命是長生不死聖

感謝

感謝祖宗并父母生吾身吾是男兒不隨李
世兵力死更不修行待幾時

學道休

無求無求勝有求快樂快樂生憂幾度幾
度尋思著何如何如學道休
巧計巧計勞心謀貪癡貪癡不轉頭煩惱煩
惱重煩惱何如何如學道休

破迷

風雷驅驟兩昏時太虛中頃刻風雷散依原
舊太空
貪愛癡煩惱昏迷古到今一朝煩惱散依舊
本來心

寒山拾得相掩坐睡

相掩而坐相枕而臥坐臥中間不離這箇只
這箇是什麼全然不涉商量直下為君說破

讚佛

世尊涅槃日銀柳掩金身帶累及兒孫一例
要金銀 咄 從今莫露黃金相要使時人
識汝貧

必竟行

日月至光明猶被行雲翳人心方寸間豈不
為塵蔽雲為日月魔塵為人心崇上智同下
愚大明必大昧行雲時掩翳日月不失光塵
勞雖障蔽人心亦何傷雲散天漢曜塵散心
精皎烏能長夜冥必竟晨將曉

玄宗直指萬法同歸卷之六

玄宗直指萬法同歸卷之七

下九

建安仰山道院牧常晁撰
門人 一山 黃 本仁 編

耳觀

古人觀人以心今人觀人以耳心觀同乎金
蘭耳觀同乎桃李金蘭義氣無忘桃李芬芳
後已嗚呼天下之交孰非耳觀者矣

琴

我琴不在音聲我意不在山水月明風靜中
問對景有誰玄會

恭內一僧倚
肩坐臥

手指心勞役役眾眼同觀得失何如長睡倚
肩內外機關都息

書

展開長天作紙倒蘸太華為筆雖然文彩全
彰何似混淪太極

畫

見色觀形嗟呀指點精奇無價太虛裏面此
兒而子如何能畫

寄石堂丘道判

藥苗不採易枯乾
擦指桑榆兩鬢斑
萬金枷誰肯捨
百年火宅出應難
鉛鑪土漬金精走
永鼎霜濃火候寒
好景都陪人事過
問君何日話還丹

寄徐靈谷休糧

青山是處可棲身
猿鶴樵漁總故人
禪坐經行忘世界
飢餐渴飲樂天真
老宜氣力精神健
妙在心田火候勻
若擬休糧求大道
蒸沙作飯恐無因

○曲江江上日輪昇
直上崑崙照谷神
火向天根歸汞室
水從月窟入鉛津
乾圓坤滅機隨斗
陰極陽生理在身
神炁歸虛常寂照
此時方見本來人

琴

伯牙不再生
子期終罕遇
嗚呼天下心誰識
琴中趣

茶

勝負不兩立
一得還一失
可憐清白心
終朝自鋒鏑

書

點畫清奇得
心應諸手蟲
鳥未觀時此字從何有

畫

藤縑白玉如
巧畫形新故
本來素潔肌
奚假丹青污

鏡

內性潛厥輝
刮磨光始露
覲面媚其瞻
回眸稀自顧
妍醜雖弗私
塵埃能致慕
嗚呼鏡中形幻變
其誰悟

筆

嘗得鋒銳時
摘文傳雜頌
何期至鈍根
棄指潭不用
哀哉好惡情
天下誰非共

墨

瀆涅中書君
染涉千張白
終日佐傳文
孰知形漸迫
何哉致滅軀
祇為身心黑

靈巖門

寂然萬籟四
山空此景何
人肯語同獨
有無心天下
月夜深垂照
到園中落落
清流水動琴
飄飄黃葉地
鋪金山林富
貴知多少
最苦無人會
此心

山寒路遠字來疎
焰熾權門衆競趨
我受神仙真密印
了無車馬到茅廬

詠生老病死

金盆浴處喜非常
生雙鬢駸駸又雪霜
老百節不調聲乃乃
病千秋未別路茫茫
死全情抱識真難免
如蟻循環實可傷
除了本來具一字
其餘何不屬無常

生苦

形生患亦生
苦本於斯立
識性漸開萌
欲情增積習
顏色美當年
利名無虛日
悲夫勞此心
何異乎駒隙

老苦

丰容異昔時
膚皺面黧鬢
髮落齒牙搖
眸昏神氣竭
落木窮秋霜
流光嗟暮日
嗚呼萬物情何莫
於斯極

病苦

四大相連和氣衰
血流滯壯年樂且滯
窮老悲斯至
楚痛祇自當
呻吟有誰替
金玉錦繡奇
愁懷懶看視

死苦

四大一分離萬緣齊捨棄富貴此時休英雄
何處是浩浩白揚風淒淒青草地不有再歸
期萬古空流涕

形陰

貪愛嗔癡妄想思媼邪殺盜意迷愚色聲香

味皆陰物要得飛神定是無

利名恩愛及思神喜怒哀談歌笑音地水火

風非實體皮毛骨肉總為陰

陰重情多必墜沉陽輕粹自冲昇神凝炁

妙虛靈徹碧落空歌謁玉清

鍊心鍊氣鍊精神鍊到純陽合道真中有一

毫陰物撓許君未見本來人

呵呵笑歌

笑呵呵百歲光陰一剎那兩字無常留不住

驚人富貴待如何笑呵呵世間何處不塵勞

反掌青春成白髮流年一擲過如梭呵呵笑

宇宙生靈是多少勞生真箇是勞人勞盡世

人人不曉呵呵笑阿誰不被勞生釣我亦勞

之賺半生于今始把勞生掉笑呵呵我今獨

醒汝知麼利名聲色風中燭金玉榮華水上

波笑呵呵逕路修行決不蹉佛性金丹非兩
種元來玄妙處無多呵呵笑玄之又玄妙又
妙直向鴻濛象帝先尋箇混成玄牝呵呵
笑三句三玄未為要真鉛真汞真鼎鑪豈是
世間閑藥料笑呵呵好從金鼎快烹陶外向

年時覓子午還同兕角及龜毛笑呵呵自己

靈丹放玉毫但將真火温温養十月胎成性

自牢呵呵笑無絃彈箇無生調鐵牛耕處玉

芝生海底金烏常返照呵呵笑不用休粮忍

寒瘃澗水山泉任性情江月松風自吟嘯笑

呵呵執象拘文總是魔會得九還并七返便

是神仙與佛陀笑呵呵修仙修佛總由他佛

法謂之心地印玄門權號作黃婆呵呵笑六

根清淨心珠耀一念無生萬法空妄想不除

禍自召呵呵笑只要本來常皎皎百萬丹經

總一機一機通達千機透笑呵呵身內常懷

智慧刀斬斷無明癡暗賊華池性水瑩無波

笑呵呵對景無心自哩囉休覓天堂并淨土

亦無地獄與閻羅呵呵笑不待九重天子詔

千金不持此身閑任他金印懸斗大呵呵笑

玄關不遠誰能扣衣裏明珠只自迷劫劫波
波徒外走笑呵呵逝水如何有返波可憐役
役勞生者喚不回頭怎奈何笑呵呵哭指山
高水更高我作此歌還自笑知音撫掌更呵

勸報父母十恩

懷胎十月體重身羸行住坐臥如龍護珠暗

禱神明祈求男女父母之恩於斯為始

臨當坐草萬千煩惱生死須臾性命難保破

腹剝腸苦痛非常產生恩重碎骨難償

出世為人便知飢渴首末三年飲娘乳血温

養漸大情性漸生不資乳哺何由長成

三年抱負始離襁褓子在懷中珠擎掌上水

火臨踏刀鋸如夷提携愛惜尤不忍離

大小便利瘡疾膿潰手洗衣拭不嫌臭穢盪

滌蟻蚋淋濯垢衣時其寒暑如事神祇

簟席之間或遭穢汚回兒就乾乾母眠濕處但

憂子冷不問已寒護惜之恩何日可殫

甘甜吐哺苦澀自茹但欲兒飽不計己飢凡

得好味必留餒子子食之甘父母心喜

整飾容儀剪理梳沐錦綺羅統盛為兒服羽
毛光彩頭角漸大父母之情轉生憐愛
提携撫育訓誨無忘欲之成人必教義方年
及冠笄漸識生理父母之心暗生懼喜
父母之心愛兒無厭卜宅求田廣為聚斂亡

歿之後尤念子孫粉骨碎身莫報深恩

謹按傳記昔比斗真君下降兗州曲阜縣蘭
公家自稱孝悌王語蘭公曰始炆為大道於
日中為孝道明王元炆為至道於月中為孝
道仙王玄炆為孝道於斗中為孝悌王夫孝
至於天日月為之明孝至於地萬物為之生
孝至於民王道為之成吾於上清以下託化
人間示陳孝道後晉代當有許仙傳吾孝悌
之宗是為眾仙之長自是許仙果傳孝道
教天下化之壽年一百三十六歲全家四十
二口白日上昇至今隆興西山事跡昭然夫
孝為萬行之骨眾德之宗成仙作佛為聖為
賢莫不由孝道而致者天地三光尤勤於孝
況人乎且父母劬勞恩深罔極其為恩者非
止於十惟此十般為大世所共知者今略為

圖加之訓註普勸世人同行孝悌如不孝於
親不悌於長雖事奉佛道之謹持齋禮拜之
勤功不及親於道無益此皆格言伏願敬之
毋忽江月林道晃謹書

人天十善

身三善 意三善 口四善

- 一不殺生 好生惡殺天地本心人能戒之
福德滋深見世延年身後無罪積善之家
不殺為最
- 二不偷盜 不與而取皆為之盜人能戒之
免招身禍生受官刑死墮地獄世間兇頑
賊為最辱
- 三不邪淫 四生輪迴姪為根柄人能戒之
增延壽命傷神穢德亡精耗氣全生之人
斯為大忌
- 一不貪 世間煩惱由貪愛結人能不貪煩
惱自滅愁海甚深愛河無極若不求離必
遭沉溺
- 二不嗔 嗔心如炎炎難向人能戒之忍
辱為上爭訟攻闢危身辱親亡家破業無
不由嗔

三不癡 癡人無智冥冥夜行不知返照必
墮沉坑酒色財氣貪婪愚誠一向癡迷畜
生同類

一不妄言 語言妄發惶惑人情起禍與戒
由妄而生人能不安鬼神信向三教聖賢

咸言無妄

- 二不綺語 錦綺其詞飾非文過覆蓋瑕疵
含藏怨禍言無華飾秉心忠直厚德所歸
生生陰騭
- 三不兩舌 扇惑君臣支離骨肉構禍連仇
亡家敗國人用兩舌皆是面非生遭刑法
死墮泥犁
- 四不惡口 出言穢惡臭毒流瀆罵詈辱卑
痛傷骨髓口四種業是非之門人能戒之
道德長存
- 已上十事不犯則為十善犯之反為十惡成
佛作祖為仙為人莫不由善業之所致也大
梵天宮玉皇大帝釋氏教戒諸天之上道也
行十善者則善根牢固福德滋深世代昌隆
子孫榮達見世頓免王刑刀兵疾疫水火飢

饑等難死後飛神三境證果六通或生為人
當作王侯大族豪貴公卿享受天福快樂無
窮行十惡者罪業深積障難加增世代不振
子孫泯滅見世不免王刑刀兵疾疫水火飢
饑等難死後身墮三塗魂沉九地受苦長夜
泥犁火燃或生畜生中身遭剝斬或得為人
貧窮孤苦殘疾盲聾六根不具人不喜見種
種善惡之根釋經道典具載甚詳今列於斯
復為註脚普勸世人同行十善江月林道晃
○ 謹書 ○

玄宗直指萬法同歸卷之七

正一天師清微弟子 洪百堅 製作



道教學術資訊網站

